

INUIT ATAQATIGIIT INATSIARTUNI



UKA2025/50

8. oktobari 2025

Iddimanngiiu Bianco

**Pinerluttup aallaavigineqarneranut taarsiullugu siunissami
pinerluutigisap aallaavigineqartalernissaa pillugu Kalaallit Nunaani
pinerluttulerinermik inatsisip allanngortinneqarnissaa siunertaralugu
Naalakkersuisut Naalagaaffeqatigiinni oqartussaasunut
atassuteqarnissamut peqquneqarnissaannik inatsisartut
aalajangiiffigisassaattut siunnersuut.**

(Inatsisartunut ilaasortaq, Bo Martinsen, Demokraatit)

Oqaaseqaat.

Siullermik qujarusuppunga Bo Martinsen Demokraatiniit
pingaaruteqarluinnartumut siunnersuummut.

Inuit Ataqatigiinni isumaqatigaarput piffimmi maani eqqartorneqartuartillugu
eqqartuussisarneq pinerliisoqarsimatillugu Inatsisartuni aamma innuttaasuni
oqallinneq ingerlanneqartoq iliuuseqarfigineqartariaqarneranik.

Takusinnaasatsituulli akissuteqaammi qinigaaffik kingulleq Naalakkersuisut
suliniuteqarsimanerat takusinnaavarput. Tamannalu tunngavilimmik
suleriaqqinnissamut alloriaatissaqqittorujussuuvoq, pisariaqarlu
ataqatigiissakkamik tamakkiisumillu suliniuteqarnissaq, eqqartuussiviit
suleriusaat allanngortissagutsigu nunatsinni.

Siunnersuummi eqqaaneqartumi inuit assigiinngitsut assigiimmik
pinerlussimaneranni assigiinngitsumik pineqaatissinneqartarnerat, qanorlu inuit
eqqartuussiveqarfinnut tatiginninnerannut sunniisinnaanerat,
isumaqataaffigaarput inuiaqatigiinni ineriartorfiusumi inissisimanitsinni

INUIT ATAQATIGIIT INATSIARTUNI



allanngortoqartariaqarnerani. Taamaammatt Naalakkersuisut nalunaarusiaat qilanaarluta utaqqissuarput tunngavissaqarneq pingaartillugu.

Tamakku tunngavigalugit Naalakkersuisup siunnersuutaanut akuersaarluta ataatsimiitsitaliami suliareqqinneqarnissaa innersuupparput.